

興化府莆田縣志卷十八

人物志

忠義傳

唐林蘊字夢復披六子貞元四年以明經及第西川節度使韋臯辟為推官臯卒劉闢代之有反謀蘊曉以逆順不聽復遺書切諫闢械于獄且殺之將就刑大呼曰危邦不入亂邦不居得死為幸矣闢惜其直陰戒刑人抽劍磨其頸以脅服之蘊叱曰死即死我頸豈頑奴砮石邪闢知不可服舍之斥

興化府莆田縣志

卷十八

人物

一忠

為唐昌尉及闢敗蘊名重京師李吉甫李絳武元衡為相蘊貽書諷以國家之有西土猶人之有右臂也今臂不附體北彌幽郊西極汧隴不數里為外域而涇原鳳翔邠寧三鎮擁旄鉞數十百人惟李抱玉為國効力其餘將帥縱侈中人十戶不足以給一卒百卒不足以奉一將詞甚感情宰相盡不用滄景程權辟掌書託權上四州啟籍請更而軍中習專擅畏內屬挾權拒命不得出蘊陳君臣大誼以諭之人人釋然於是權得去蘊遷禮部員





外郎出爲邵州刺史卒藹嘗應賢良方正科其策有臣祖比干忠諫而歿天不厭直復生微臣蓋其素志如此

朱薛奕字世顯利和從子興化縣人熙寧九年武舉第一是年徐鐸以進士第一神宗賜御製詩有云一方文武魁天下四海英雄入彀中授鳳翔府都監遷正將元豐中銀川寨之役奕歿之贈防禦使子安靖以奕歿事補官靖康元年假河北制置使京城失守安靖降金知海州事紹興初乘間殺其

興化府莆田縣志

卷十八

人物

二 忠

守將王企中舉郡來歸高宗遣吏部侍郎傅崧卿優降璽書有身屈外庭心存王室之語賜會稽田十頃以宗室女妻之紹熙五年除葉州刺史閭門宣贊舍人知全州兼充本州沿邊溪洞事都巡檢使卒

阮駿字千里紹聖元年進士授奉議郎監台州稅方臘犯台州守委以防禦事駿率兵射賊踏歿五百餘人賊亟引退轉朝散郎建炎元年除河南少尹兼西京留守是冬金人南下駿與孫昭遠率兵拒



戰不利駿以神御在府函收兵護以餘兵再戰又  
敗乃抱神御指賊大罵死之事聞朝廷褒贈三官  
進朝議大夫于時先後死事者有葉居中徐漑居  
中元符二年進士授奉詳郎通判睦州方臘起居  
中不避難而前到官與戰不利死事聞官其二子  
廷建漑字叔清以父官奉大夫銳應入仕高宗幸  
維揚金騎侵逼臣僚奔潰漑以國子監丞護駕渡  
江殞于難紹興初特授將仕郎官其子材

陳淬字君銳紹聖初下第挾策西遊時呂惠卿帥鄜  
興化府莆田縣志

卷十八

人物

三忠

延淬戎服往見惠卿與語器之補三班奉職與西  
人接戰于烏原于殺十餘人擒其砦主奏爲左班  
殿直鄜延路兵軍都監累遷真定府路馬步副總  
管宣和七年金人入真定淬以孤軍禦之妻孥八  
人皆遇害建炎元年辟諸軍統制宗澤命擊金人  
於南華敗之擢知恩州金王善擁兵十萬長驅兩  
河遂襲恩淬與長子仲剛拒戰賊飛刃及淬仲剛  
以身蔽刃歿之明年善復圍陳州淬大敗之拜宿  
州安撫使李成叛詔以淬爲御營使六軍都統准



南招撫使討之三戰三捷未幾金人侵采石又檄  
淬與杜充援建康淬曰彼衆雖多然上有二十  
艘一艘不越五十人每至不過千人吾伏兵葭蘆  
霧薈間俟其旋濟旋獲前後不相知訖濟當盡獲  
矣充不從金兵遂入板橋諸軍皆潰淬獨與戰勢  
窮力盡據胡床大罵反交於胸而色不動與其從  
子仲敏俱死詔贈拱衛大夫明州觀察使官其一  
子一婚

林冲之字和叔唐殿中侍御史謹後元符二年進士  
興化府莆田縣志

卷十八

人物

四忠

累官金部郎以不能阿當路滯省寺者十年出守  
臨江南康二郡靖康初召爲主客郎中副中書侍  
郎陳過庭使金所厚者咸勸勿行冲之曰人臣事  
君生歿以之此何時而可辭王事邪遂行同被拘  
執迨字文虛中受其命金人亦以是邀之冲之奮  
勵見詞色金人怒徙之秦聖州旣而過庭卒金人  
逼冲之降不屈徙上京又不屈置顯州極北洹寒  
之地幽佛寺十餘年以義命自安病亟語同難者  
曰冲之年七十二持忠入地無恨所恨者國讐夫



復耳南面一勵而絕僧尼之寺隅洪皓還朝以聞  
詔與二子官子郁從子震霆郁字襲休宣和三年  
進士解州司刑叅軍州兵以衣賜不均謀爲變郁  
言於部使者均之乃定咸曰生我者司刑君也再  
調福建茶司幹官靖康初建州勤王卒自京師還  
求卸甲錢郡守張勳持不與參悉取庫兵爲亂殺  
轉運使毛奎等郁聞變急入諭卒曰爾不見江寧  
錢唐事乎周德輦今皆安在爾等自父祖隸禁軍  
衣食縣官國家何負於爾危急不能立尺寸功尙

興化府莆田縣志

卷十八

人物

五忠

不知爲性命計邪衆業已殺轉運官徑前取郁郁  
且罵且叱至死不絕聲震字時勇崇寧二年進士  
累官太常卿直秘閣歷知鎮江府時蔡卞王夫人  
得請賜地建閣儲御書因取民腴田并有其禾震  
俾償之王恚其事朝廷移震守汝州部使者祝林  
受中人旨籍魯山民田五萬頃入御府民誘亡命  
謀爲變震遣錄事于諄諭以禍福因列上其狀詔  
部使者履齎定租召入除起居郎遷秘書少監卒  
震字時隱政和五年進士太宰余深侍郎許將皆







餘人率赴南道總管司至荆門遇金兵接戰衆寡不敵中流矢卒帥司上其事請官其後

陳自仁字克廣興化縣人宣和六年進士調吉州永豐縣尉屢捕盜有功建炎三年金迫洪吉州隆祐太后護衛兵叛所過殺掠楊世雄梁世美等遂犯縣境自仁集尉卒調民兵戮力拒討轉鬪逐北會賊別將繼至兵疲援絕自仁與知縣事趙訓之皆戰死贈通直郎官其子禡孫

方喜字良翰提舉臨孫辟燕山工曹掾金人隔燕雲興化府莆田縣志

卷十八 人物

七 忠

令 時陷沒者悉易告喜南望霄滂盡取出身文字焚之惟畱承奉郎告置衲衣中變姓名間道逝歸抵廬江邊守以聞得旨特轉一官終廣州通判龔叅政茂良有詩云八千里外望歸雲十九年間送落曛書至上林無別語孤臣有死不忘君

蔡楸字子堅襄曾孫靖康初以父傳任尉會昌視事數月遇韜賊犯境楸領鄉兵數千人與賊相持兵潰楸力戰不支遂遇害贈承事郎官其子顓

卓得慶字善夫紹定五年甲科教授道州歷著作郎



兼沂靖惠王府教授左曹郎官以忤賈似道出知  
漳州召還授兵部郎中兼國史院編修官實錄院  
檢討官不拜景炎二年除右文殿撰戶部尚書兼  
福建制置司叅謀官冬十月元兵逼城得慶與家  
人訣曰柱傾維絕與其藏溝瀆而生毋若守家廟  
而歿俄甲士至執得慶并二子規權殺之

陳文龍字君賁高祖宋卿與丞相俊卿爲初從兄翁  
咸淳四年廷對第一初名子龍度宗爲易焉文龍  
雅爲丞相賈似道禮重由鎮東節度判官歷監察

興化府莆田縣志

卷十八

人物

八

御史先是臺中凡有建白皆呈藁似道文龍獨不  
呈襄陽又被圍似道日恣淫樂陽請督師而陰使  
其黨雷已竟失襄陽文龍上疏極言其失范文虎  
總師無功似道庇之以知安慶又除趙潛知建康  
黃萬石知臨安文龍皆極論之似道大怒黜知撫  
州旋又使大臣李可劾罷之未幾元兵東下文虎  
首迎降似道兵潰魯港潛最先遁帝悔不用文龍  
言起爲左司諫尋遷侍御史時邊事棘王爚與陳  
宜中不能畫一策而日坐朝堂爭私意文龍語曰



書曰三后協心同底於道今北兵今日取某城  
日築某堡而我以文相遜以迹相疑譬猶拯溺拯  
焚而爲安步徐行之儀也請召大臣同心圖治無  
滋虛議其後宜中與燻終不相能而去累遷文龍  
至叅知政事於是張世傑文天祥師俱敗元兵已  
至杭北關文龍請身督殿旅合江下義丁決一死  
議不合世傑等遂以益王王趨閩衆議降元文  
龍乃上章乞歸養既出國門而悔復上疏求還不  
報乃歸德祐丙子五月益王卽位福州復以文龍

叅知政事漳州畔爲閩廣宣撫使討之文龍辟前  
守黃恠招撫民皆頓首謝罪興化石手軍叛復命  
文龍爲知軍平之十一月元董文炳阿剌罕等以  
兵至福州益王趨廣州文龍依前官充閩廣宣撫  
大使於是殫家財募萬兵卽興化軍開闢已而降  
將王世強復導元兵入廣建寧泉福皆降元知福  
州王剛中遣使徇興化文龍斬之而縱其副以還  
使持書責世強十二月太學生盧澤啣命諭降文  
龍斬候卒注其頭槩上狗軍前叛將陳淵林華又



附元軍爲之嚮道詭文龍援兵至開關納之計議  
官李瑛首倡軍民迎順小校黃泰躍馬突至設廳  
稱有太皇太后詔逼驅文龍去文龍至福州見董  
文炳等不屈左右凌挫之文龍指其腹曰此皆節  
義文章可相逼邪尋命左右引就館元帥唆都往  
來諭意且以母老子幼感動之文龍曰宋無失德  
三宮北狩二邸深入瘴烟何必窮兵至此我家世  
受國恩萬萬無降理母老且歿先皇三千岐分南  
北我子何足關念情詞慷慨唆都愀然改容乃械  
興化府莆田縣志

卷十八

人物

十忠

繫送杭州文龍去興化卽不食至杭餓歿葬西湖  
智果寺其母繫福州尼寺中病甚無醫藥左右侍  
之泣下母曰吾與吾兒同歿又何恨哉亦歿衆嘆  
曰有斯母宜有是兒爲收瘞之計聞詔謚忠肅賜  
廟號昭忠元至正間遣宣使李文虎至郡訪求文  
龍子孫將錄用無有應之者

陳瓚字瑟王宓孫文龍從叔瓚少有大節宋末知必  
亂無仕進意於是散粟帛以濟饑寒曰吾家世受  
國恩當爲國收民心耳及賈似道潰師蕪湖起文



龍執政瓚語文龍曰今天下之勢已危列郡皆團  
兵自守此不足討賊明矣爲今之計莫若勸十盡  
召天下兵屯聚沿江要害擇賢王與文武才幹之  
臣分督之敵若來戰併力齊奮則國猶可爲也文  
龍憮然曰叔父之策固善然柄國非人恐不能用  
是行也某必歿之德祐丙子十一月帝趨海命文  
龍開闢興化瓚傾家財三百萬緡航海以助張世  
傑贍軍世傑欲授以官瓚曰吾爲忠義所激而來  
豈買爵邪辭歸十二月叛將林華陳淵與通判曹

興化府莆田縣志

卷十八

人物

十一 忠

澄孫以城降文龍被執北去瓚曰姪不負國吾當  
不負姪卽陰部署賓客募丁壯景炎二年二月晦  
率兵攻林華等誅之復興化軍以其首告于祖廟  
遂獻于朝端宗嘉其忠義命以通判權守興化且  
令乘勝與世傑犄角復福泉二郡九月元峻都以  
兵攻興化瓚號令嚴整每巡城必南向號勸士皆  
感奮十月旣望元兵蟻附登城瓚力不能支又率  
家僮及丁壯五百人巷戰元兵歿者千餘瓚被  
峻都欲降之瓚罵不屈峻都大怒車裂於五門以



殉屠城三時血流有聲世傑以其事聞贈兵部  
郎謚忠武子二長若水世傑辟爲督府架閣

**明**陳繼之建文庚辰進士授戶科給事中以江南僧  
道多占腴田蚕食百姓乃奏僧道人給田五畝餘  
以賦民從之時靖難師起繼之間有建白輒肆指  
斥嘗言於朝曰徐增壽燕之至親必有陰謀請誅  
之建文不聽已而增壽事迹漸著被誅成祖卽位  
責問不屈詔磔于市父秀母黃謫戍其肅道歿于  
徵有妻姚女進奴京奴沒官第余朔等悉戍邊

興化府莆田縣志

卷十八

人物

十三忠

陳彥回字士淵父立誠洪武初舉秀才知保德州徙  
應州降知博白縣坐罪廢歸復除歸安縣丞後天  
以非辜陷重辟彥回與弟彥困俱被逮一戍滇南  
一戍遼東彥回入滇大父與母徐及子善需皆道  
歿惟祖母郭氏與偕至蜀遇赦不及彥回監送者  
哀而釋之貧無資還聞邑人黃積良知定遠縣往  
依之積良收爲家人因變姓名曰黃禮呼郭氏曰  
母旣而積良亦坐廢彥回轉依南克縣丞于仲和  
後閩中縣學教諭嚴德政知其才以明經薦爲保



寧府學訓導滿九載入朝侍殿陛承顧問者四十  
日太祖悅之陞知平江縣太祖晏駕彥回捧香至  
闕下給事中楊維中等薦其文學廉幹文召見  
西角門遂陞知徽州府下車數月政教一新承重  
丁郭氏憂徽民百餘輩詣闕請奪情終任未報彥  
回亦衰經赴闕疏其改姓歷官情罪乞正各籍有  
旨并釋彥回仍從徽民請留郡治事已復疏請終  
制不久彥回乃奉郭氏柩葬郡北十里北山之陽  
每旦哀奠如禮事竣然後入府治事郡人名其山  
與化府莆田縣志

卷十八 人物

十三 忠

曰太守山靖難師起彥回奉命募義勇至京適彥  
困至自遼東彥回謂之曰予荷朝廷再造恩骨肉  
重聚此生不足報萬一到郡後當遣吾弟歸此勤  
王報命之秋予身許國他不恤矣因書務本二字  
遺之彥回還郡未幾北軍將渡江卽率義勇赴援  
作感賦詩夢入鵷班覲紫宸覺來依舊泣孤臣半  
生家國惟餘我萬里江山已屬人何地不容王蠋  
歿有薇難濟伯夷貧千秋公論明如日照徹區區  
不二心成祖卽位禽械至京不屈棄市時年四十



七妻子皆給配

林祥鳳岳子宣德壬子鄉薦授鄆城訓導正統十年以學行擢監察御史十四年扈從北狩歿於土木之難詔與一子入監

黃乾亨字汝亨成化甲午鄉試第一明年登進士拜行人奉命爲副使冊封滿刺加至羊嶼孤山颶風大作舟壞乾亨與從弟乾剛皆罹禍贈司副錄其子如金入監始乾亨奉使時取道歸別母瞻戀泣下謂叔父仲昭曰茲行天涯萬里不可無骨肉相

興化府莆田縣志

卷十八

人物

十四 忠

依仲昭聞其言而悲之卽命子乾剛偕行乾剛亦無難色舟壞羊嶼乾剛漂且登矣顧乾亨急不忍去遂同溺天倫大義顛沛弗離海內尤稱乾剛孝友云如金解元進士官廣西提學副使乾剛子希英與如金同第進士孫懋官貴贈乾剛南戶部右侍郎餘見選舉志

鄭寶字時珍成化癸卯鄉薦授博羅教諭遷鬱林州同知當道廉其才檄署北流縣會賊待李通寶等聚黨千餘攻劫縣治更月餘不引去寶乃持必死



心經畧庫藏案牘選勁卒百餘人從間道至州  
遂督兵出戰數陷堅身被十餘創死子圭逢夏  
戰不利輒躍馬馳掠亦被創父子同死事聞武宗  
嘉其忠贈本州知州廕子宗道入監同邑有羅汝  
和爲雲南提舉力禦安風之變死于黑鹽井在陳  
祚爲廣西古田典史亦與賊戰歿廕一子有黃起  
鳴爲桐梓尉天啟初安奢二酋圍成都起鳴募兵  
解之復諸城三年七月進勦至永寧入江門酋領  
巢歿鬪起鳴力戰歿一弟一男相繼陣亡贈重慶  
府通判子斌卿襲廕典化衛百戶三人俱發身掾  
史其歿職同故附之

興化府莆田縣志

卷十八

人物

五

馬思聰字懋聞宏治乙丑進士初爲象山令復二十  
六渠以漑田邑人德之憂歸服闋補萍鄉流寇劉  
六至思聰誦畫戰守法甚備寇引去擢南京戶部  
主事奉簡書爲主粟使者之江西會宸濠千秋節  
以故事往賀次日同鎮巡諸司入謝宴濠伏兵府  
內執殺都御史孫燧副使許達幽思聰獄吏六日  
與叅議黃宏先後不食歿朝廷嘉四人忠詔江西



立廟金祀賜額曰旌忠贈思聰光祿寺少卿子明  
衡事見宋淵傳

王家彥字開美天啓壬戌進士授蒲化令請以薪俸  
建邑城設策殲劇盜之數爲害者已調繁蘭溪以  
治最擢刑科給事中陞戶科都給事中母病乞歸  
省不許丁艱起吏科都給事中陞大理左少卿崇  
禎壬午夏上命首輔會清獄家彥多所平反遷太  
僕寺卿晉戶部右侍郎其冬李自成亂熾京師戒  
嚴上面擇戎政召對者四人家彥獨於營事破的

興化府莆田縣志

卷十八 人物

六 忠

上特擢爲兵部右侍郎協理戎政卽日登京城歷  
九門整刷器仗壁壘一新復出閱城外列營申約  
束雖深冬雪夜必巡行雉堞獎勤鞭惰上時時稱  
家彥真清真慎不要一錢晝夜勤勞不可及城守  
七閱月解嚴賜宴午門外詔加一級襲錦衣正千  
戶三輩甲申春廷推大司農上徘徊久之曰王家  
彥清勤謹慎理財最好但戎政須久任也會自成  
由秦入晉窺畿輔家彥復守得勝門時總督李國  
楨主戰家彥力主守竟不能爭三月十七日賊入



居庸戰卒皆望風迎降賊以故備知城中虛實攻  
益急而城守軍少且久乏餉爭解體既而司禮曹  
化淳等潛獻彰義門賊遂入家彥望闕叩頭哭曰  
臣力竭矣無以報陛下請以一死從辱國之僇復  
東向叩頭者再曰兒奉父訓今方殉忠不能盡孝  
也遂自經時匆卒變起衆皆遁去無顧者鄉人鄭  
淦爲奉其屍殮焉鄭淦字而泉豪爽負氣先是客  
燕諸家彥家彥曰事迫矣君宜亟去淦曰先生若  
何家彥抗慨語曰天下事至此萬無可爲者微臣

興化府莆田縣志

卷十八 人物

七  
忠

孤憤獨力難支惟守死以盡吾分耳至是卒如其  
言家彥天性忠孝歷官最廉慎在諫垣揀掖善類  
鋤抑奸邪不少假然據事直陳不爲風聞苛刻其  
言錢法言班軍言鐵廠言新餉言漕政邊政言閩  
海事宜皆切中利病至其言馬政尤詳悉上語輔  
臣曰王家彥馬政疏鑿鑿可行遂悉從所請平昔  
與銅山黃道周交最厚及極選江南道周撫棺爰  
之曰開美真可謂得死所者矣子廢恭襲廕  
林不息字司籥幼負異姿崇禎戊辰恩貢第七名授



臨湘知縣時湖廣南北盜賊四起不息至卽設團  
法嚴詰察甫二月殲大盜李文甘明陽等二百七  
十餘人臨湘大司馬楊一鵬子通判昌朝居里中  
肆暴士民訴者以百計不息大鞫治之辱昌朝于  
庭上邑中豪皆懼伏移攝平江巴陵癸未張獻忠  
陷武昌襲破州邑不息誓死固守城上置礮器藥  
弩人始有固志獻忠以百騎偵臨湘不息擒獲數  
騎戮於城上遣僕持書與母訣城守益堅八月初  
五日賊悉衆來攻次日城破被執獻忠勸之降不

興化府莆田縣志

卷十八

人物

忠

息奮然曰吾祖父以忠孝著聲今自分一死豈爲  
汝屈耶斷左手得邑印于腰間大罵不絕口斷右  
手割耳鼻終不屈獻忠曰此真忠臣也久乃絕暴  
葬于北門外殉不息難者有門生湯身之蕭露茂  
等數十人一僕在署聞主難自沉于河事聞贈湖  
廣按察司僉事賜葬于祭壇子向栩廕國子生